



共四十二  
 婦人良方四

七

中武 9  
 284  
 24





門  
584  
卷  
24

婦人良方卷之六

薛氏醫按

臨川陳目明編 吳郡薛 已註

新 都 閔道政校

婦人熱勞論第一

婦人熱勞。由心肺壅熱傷於氣血。以致心神煩躁。煩赤頭疼。眼  
澀唇乾。口舌生瘡。神思昏倦。四肢壯熱。飲食無味。肢體酸疼。心  
怔盜汗。肌膚日瘦。或寒熱往來。當審其所因。調補氣血。其病自  
愈矣。

愚按前症。乃壯火食氣。虛火煎熬。真陰之所致也。王太僕云。  
如大寒而甚。熱之不熱。是無火也。熱來復去。晝見夜伏。夜發  
晝止。是無火也。當治其心。如大熱而甚。寒之不寒。是無水也。  
熱動復止。倏忽往來。時動時止。是無水也。當助其腎。心盛則

國醫圖書  
國醫圖書



生熱腎盛則生寒。腎虛則寒動於中。心虛則熱收於內。竊謂前症若肝脾血虛。用四物參朮。肝脾鬱怒。小柴胡合四物湯。脾胃氣虛。補中益氣湯。肝脾血虛。加味逍遙散。肝經風熱。加味小柴胡湯。心經血虛。天王補心丹。肺經氣虛。人參補肺湯。肝經血虛。加味四物湯。大抵午前熱屬氣分。用清心蓮子飲。午後熱屬血分。用四物參朮丹皮。熱從左邊起。肝火也。實則四物龍膽山梔。虛則四物參朮黃芪。熱從臍下起。陰火也。四物參朮黃柏知母酒拌炒。黑五味麥門肉桂。如不應急。用加減八味丸。不時而熱。或無定處。或從脚心起。此無根虛火也。用加減八味丸及十全大補湯。加麥門五味主之。

附治驗

一婦人經行不調。飲食少思。日晡熱甚。余以為肝脾氣血俱

虛。用十全大補。加山茱山藥丹皮麥門五味而愈。次年秋寒熱如瘧。仍用前藥而愈。

一婦人生育多胎。月經不調。兩足發熱。年餘其身亦熱。勞則足痠痛。又年許唇腫裂痛。又半年唇裂見血。形體瘦倦。飲食無味。月水不行。此氣血俱衰之症。彼誤用通經丸等藥。復傷氣血。遂致不起。惜哉。

黃芪散 治發熱癩瘦。心燥口乾。不欲飲食。或盜汗。晡熱。

人參

黃芩炒

當歸各三錢

柴胡五分

黃芪炒

地骨皮

白茯苓

麥門冬去心

生地黃

白芍藥各一錢

甘草分三

右木薑煎

猪肚丸 治熱勞羸瘦

柴胡

赤茯苓

人參

黃芪各一兩

黃芪

薛氏醫案卷之六

二 九百三



黃連炒三兩

地骨皮

木香各半兩

桃仁去皮

右為末用嫩猪肚一枚入藥縫合蒸熟研爛丸桐子大每服三五十九食前米飲下日二服

附方

清心蓮子飲 治熱在氣分口乾小便白濁夜間安靜晝則發熱又治口舌生瘡或口苦咽乾煩躁作渴小便赤澀下淋不止或莖中作痛

黃芩炒

麥門冬去心

地骨皮

車前子炒

甘草各一錢生

石蓮肉

茯苓

黃芪炒

柴胡去苗

人參各一錢

右每服五錢水煎

補中益氣湯

加味四物湯

四物湯 三方見二十四卷第六論

加味小柴胡湯

小柴胡湯 二方見二十四卷第二論

十全大補湯

加味逍遙散 二方見二十四卷第四論

天王補心丹 寧心保神益血固精壯力強志令人不忘清三焦化痰涎祛煩熱除驚悸療咽乾育養心神

人參去土

茯苓

玄參

丹參

桔梗

遠志各五錢

當歸酒浸

五味

麥門冬去心

天門冬

柏子仁

酸棗仁炒各一兩

生地黄四兩



右為末煉蜜丸桐子大用硃砂為衣每服二三十丸臨臥竹葉煎湯送下一方加石菖蒲熟地黃杜仲百部茯神甘草此方內天麥問冬玄參生地雖能降火生血化痰然其性沉寒損傷脾胃剋伐生氣若人飲食少思大便不實者不宜用  
人參補肺湯 方見二十四卷第十二論  
加減八味丸 方見二十四卷第十一論

婦人客熱方論第二

婦人客熱由元氣虛而外熱乘之以致口燥心煩四肢壯熱肌肉消瘦治法當審其因而調補之

愚按前症若客邪所侵用補中益氣加川芎防風肝虛血少六味地黃丸胃火飲冷錢氏瀉黃散胃虛用七味湯白朮散潮熱時熱八珍湯肺熱內熱逍遙散發熱體倦補中益氣湯

悲怒發熱小柴胡湯鬱怒發熱加味歸脾湯寅卯酉戌時熱升陽益陰湯

附治驗

一婦人素有胃火服清胃散而安後因勞役躁渴內熱肌肉消瘦月經不行此胃火消燥陰血用逍遙散加丹皮炒梔以清胃熱用八珍湯加茯神遠志以養脾血元氣充足而經自行矣

麥門冬散 治四肢倦痛煩悶不食或寒熱往來

麥門冬 法 柴胡 赤茯苓 羚羊角 鎊

赤芍藥 桑白皮 炒 黃芪 炒 各 生地黃

甘草 炒 各 三分 右薑水煎

附方



補中益氣湯 方見二十四卷第六論

六味丸 方見二十四卷第十一論

瀉黃散 方見五卷第三論

七味白朮散 方見二十一卷第二論

八珍湯

加味歸脾湯

逍遙散 三方見二十四卷第四論

小柴胡湯 方見二十四卷第二論

升陽益胃湯 方見三卷第九論

清胃散 方見二十四卷首論

婦人寒熱方論第三

經曰陽不足則先寒後熱陰不足則先熱後寒皆由勞傷氣血

陰陽不調寒熱如瘧也當分氣血虛實而治之

愚按前症若寸口脈微名曰陽不足則陰氣上入於陽中用補中益氣湯若尺部脈弱名曰陰不足則陽氣下陷入陰中用益陰腎氣丸若因氣血俱虛用八珍湯若因怒動肝火用小柴胡湯若陰陽俱不足則氣血不歸其本部以致寒熱交爭也

附治驗

一婦人年六十有四火鬱怒頭痛寒熱春間乳內時痛服流氣飲之類益甚時有血如經行又大驚恐飲食不進夜寐不寧兩乳腫脹兩脇焮痛午後色赤余以為肝脾鬱怒火燥先以逍遙散加酒炒黑龍膽一錢山梔一錢五分服二劑腫痛頓愈又二劑全愈再用歸脾湯加炒梔貝母諸症悉愈



地骨皮散 治血風氣虛時作寒熱或晡熱內熱

柴胡 地骨皮各一兩 桑白皮炒 枳殼炒

前胡 黃芪炒各五分 白茯苓 五加皮

人參 甘草 桂心 白芍藥各三分

右薑水煎服

柴胡散 治寒熱體痛口乾心煩飲食少思肌體消瘦

柴胡 黃芪炒 赤茯苓炒 白朮各一錢

人參 地骨皮 枳殼炒 生地黃

苦梗 桑白皮炒 赤芍藥各三分 鱉甲錢二分

麥門冬去心一錢 甘草三分 右水薑煎服

益陰腎氣丸 治諸臟虧損發熱晡熱潮熱盜汗或寒熱往來

五心煩熱或口乾作渴月經不調或筋骨痠倦飲食少思或

頭目不清痰氣上壅咳嗽晡甚胸膈痞悶或小便赤澀  
熱痛或脚足痿軟肢體作痛等症此壯水之主以制陽光之  
劑也。

澤瀉 茯苓 牡丹皮 生地酒拌

山藥 茱萸肉 當歸 五味子炒

熟地自製 右為末入二膏加煉蜜丸桐子大硃砂為衣每服五十九空

心淡塩湯下

補中益氣湯 方見二十四卷第六論

六味丸 方見二十四卷第十一論

小柴胡湯 方見二十四卷第二論

八珍湯



婦人頭力 歸脾湯 三方見二十四卷第四論

道遙散

寡婦寒熱如瘧方論第四

倉公傳與褚氏論皆云師尼寡婦獨陰無陽慾心萌而不遂是以懨懨成病以致乍寒乍熱而類瘧狀久則為勞又有經閉白淫痰逆頭風膈氣痞悶面黧瘦瘠等證皆寡婦之病診其脈獨肝脈弦出寸口而上魚際皆血盛而致經云男子精盛則思室女人血盛則懷胎觀其精血思過半矣

愚按前症若肝脈弦出魚際用生地黃丸血虛佐以四物湯若兼怒動肝火而寒熱佐以加味逍遙散若虧損元氣而寒熱佐以八珍湯若虧損元氣而寒熱佐以補中益氣湯若鬱傷脾氣而寒熱佐以濟生歸脾湯

附治驗

一寡婦不時寒熱脈上魚際此血盛之症用小柴胡湯加生地黃治之而愈但畏風寒此脾胃氣虛用加味歸脾補中益氣二湯兼服而止

一婦人因夫久出經商發寒熱月經旬日方止服降火涼血藥內熱益甚自汗盜汗月經頻數余曰內熱自汗乃脾氣虛弱也月經頻數乃血不歸脾也用歸脾湯六味丸而愈

一室女寒熱肝脈弦長而出寸口用小柴胡湯加生地烏梅治之而愈既嫁而諸症悉痊

一室女久患寒熱月經失期以小柴胡湯加生地治之少愈更以生地黃丸而痊

生地黃丸 許學士云有一師尼惡風體倦乍寒乍熱面赤心



煩大小柴胡湯雜進其病益劇子診視之曰三部脈無寒邪但肝脈弦長而上魚際服此丸而愈。

柴胡 秦艽 黃芩 各半 生地黃 二兩酒 濕杆膏

赤芍藥 兩一

右為末煉蜜丸桐子大每服三十九烏梅湯下日三服

附方

補中益氣湯

四物湯 二方見二十四卷第六論

加味逍遙散

八珍湯

加味歸脾湯

歸脾湯 四方見二十四卷第四論

小柴胡湯 方見二十四卷第二論

六味丸 方見二十四卷第十一論

婦人惡寒方論第五

婦人惡寒有陰陽二證發熱而惡寒者發於陽也無熱而惡寒者發於陰也發於陽者脈浮數宜解表發於陰者脈沉細宜溫裏凡惡寒不可過覆衣被及近火熱若寒熱相搏令人寒甚若寒氣入腹血室結聚最難治療。

愚按前症若怠惰嗜臥洒漸惡寒乃陽不能伸發用升陽益胃湯若勞傷形氣而惡寒乃無陽以護衛用補中益氣湯若飲食傷脾胃而惡寒乃元氣虛損用六君子湯若加煩躁妄言或欲飲水仍進前劑但加薑桂若體倦煩渴頭痛自汗用補中益氣加五味麥門東垣云晝則發熱惡寒是陰氣上溢



於陽分也。夜則惡寒，是陰血自旺於陰分也。海藏云：六月大熱之氣，反得大寒之症，當捨時從症治。以薑桂之類，丹溪云：久病惡寒，乃痰鬱於脾，抑遏陽氣，不得外泄，治當解鬱。

附方

升陽益胃湯

方見三卷第九論

補中益氣湯

六君子湯

二方見二十四卷第六論

婦人血風煩悶方論第六

婦人血風煩悶，由勞傷氣虛而風邪乘之，血氣不和，以致肢節熱疼，口乾不臥而煩悶也。當調補元氣為主。

愚按前症多屬肝脾血虛發熱，當參照前寒熱方論主治。

赤芍藥散

治煩悶不食體倦頭眩身軀疼痛等症

赤芍藥

酒炒

白茯苓

各一錢

甘草

炒

柴胡

各五分

右薑棗水煎

婦人血風攻脾不食方論第七

夫婦為中州意智之臟也。諸經皆賴其養，與胃為表裏，胃主司納，脾主腐化。若勞傷真氣，外邪乘之，諸症生焉。

愚按經云：胃乃脾之剛，脾乃胃之柔。傷胃則脾無所稟，受傷脾則不能為胃運化。是以脾胃為之表裏，藉飲食以滋養百脈者也。竊謂前症若飲食所傷，六君子湯勞役所傷，補中益氣湯若風寒所傷，用人參理中湯木旺乘土，六君加柴胡嘔吐腹痛，或大便不實，前湯加木香胸膈虛痞，或肚腹不利，六君子湯鬱怒傷損肝脾，歸脾湯命門火衰，八味丸仍審諸經錯雜之邪而治之。假如不能食而肌肉削，乃脾胃經本病。右



婦人百病 關脈緩而弱乃脾胃之本脈若見弦緊或四肢滿閉淋洩便  
難轉筋此肝之脾胃病也若兼洪大或肌熱煩熱面赤此心  
之脾胃病也若兼浮澁或氣短喘急咳嗽痰盛此肺之脾胃  
病也若兼沉細或善恐善欠此腎之脾胃病也各當於本經  
藥中加兼症之藥此東垣先生之治法也。

附治驗方藥

一婦人停食飽悶或用人參養胃湯木香枳榔丸而泄瀉吐  
痰腹中成塊又與二陳黃連厚朴反加腹脹不食余以爲脾  
胃氣虛不能消磨用補中益氣加茯苓半夏五十餘劑脾胃  
健而諸症痊。

一婦人飲食每用碗許若稍加非大便不實必吞酸噉腐或  
用二陳黃連枳實反加內熱作嘔余曰此未傳寒中不信仍  
作火治虛症悉至月經不止余用六君加炮薑木香數劑諸  
症漸退又以補中益氣加炮薑木香茯苓半夏數劑全愈後  
因飲食勞倦兼以怒氣飲食頓少元氣頓怯仍用前藥更加  
發熱脈洪大按之而虛兩尺如無此命門火衰用補中益氣  
加薑桂及八味丸兼服兩月餘諸症尋愈此症若因中氣虛  
弱用人參理中湯或六君子加木香炮薑不應用左金丸或  
越鞠丸虛寒加附子理中湯無有不愈。

一婦人飲食後或腹脹或吞酸自服枳朮丸飲食日少胸膈  
痞滿腿內酸痛畏見風寒或用養胃湯腿痛淨腫益盛月經  
不行余以爲鬱結所傷脾虛濕熱下注侵晨用四君芍歸二  
陳午後以前湯送越鞠丸諸症漸愈又用歸脾八珍二湯兼  
服兩月餘而經行。



一婦人胸滿少食。或腹脹吞酸。或經候不調。此中氣虛而不能施化也。用補中益氣加砂仁香附煨薑而飲食進。更以六君芎歸貝母桔梗而經自調。

一婦人年三十餘。忽不進食。日飲清茶水菓。三年餘矣。余謂脾氣鬱結。用歸脾加吳茱萸四劑。遂飲食如常。若人脾腎虛而不飲食。當以四神丸治之。

一婦人不進飲食二年矣。日飲清茶菓品之類。肝脾二脈弦浮。按之微而結滯。余謂肝脾氣鬱。用六君木香吳茱下痰積甚多。飲食頓進。形體始瘦。臥床月餘。仍服六君之類。而康。

越鞠丸 治鬱傷氣滯。以致胸膈痞悶。或肚腹膨脹。或咽喉不清。或痰氣不爽。或飲食少思。或吞酸噎腐。宜用此藥清之。若人脾胃虛弱。用六君子湯為主。大凡中氣虛弱。變症百出。難

以名狀。但用四君補其脾胃。元氣漸復。諸症自退。若用滋病之藥。則誤矣。

香附

蒼朮 炒

川芎

梔子 炒

神麴 炒

山查 各等分

右為末。用神麴糊丸。菜豆大。每服六七十丸。食滾白湯送下。

四君子湯

六君子湯

補中益氣湯 三方見二十四卷第六論

八味丸 方見二十四卷第十一論

人參養胃湯 方見七卷第六論

二陳湯 方見二十四卷第五論

左金丸 方見七卷第十七論



人參理中湯

附子理中湯 二方見二十卷第六論

歸脾湯

八珍湯 二方見二十四卷第四論

二神丸

四神丸 二方見八卷第八論

婦人夢與鬼交方論第八

人稟五行秀氣而生。承五臟神氣而養。若調理失節。血氣虛衰。則鬼邪干其正。隱避而不欲見人。時獨言笑。或時悲泣。是其候也。脈息遲伏。或如鳥啄。或綿綿而來。不知度數。而顏不變。亦其候也。

愚按前症多由七情虧損。心血神無所護而然也。宜用安神

定志等藥。則正氣復而神自安。若脈來乍大乍小。乍短乍長。

亦為鬼祟也。宜灸鬼哭穴。以患人兩手指相並。用線繫柱。當合縫處。半肉半骨間。灸七

壯若果是邪祟病者。即乞求免。灸云我自去矣。

茯神散 治妄有所見。言語雜亂。時或昏昧痰熱。

茯神 一兩

茯苓 半兩

人參

石菖蒲 各一錢

赤小豆 五分

右水煎服

桃仁丸 治與鬼魅交通

辰砂 另研

檳榔

當歸

桃仁 各三錢

水銀 一錢 棗肉 一兩 研令星盡

麝香

阿魏 各一錢 裹

沉香 各半兩

右為末。煉蜜丸。桐子大。每服十九。空心桃仁湯下。

辟瘟丹

婦人良方

薛氏醫案卷之六

七

荒年



婦人傷寒

虎頭骨二兩

硃砂

雄黃

雌黃

鬼臼

皂莢

蕪菁仁

鬼箭羽

藜蘆各一兩

右為末煉蜜丸彈子大囊盛一丸男左女右繫臂上及用一丸當病人戶前燒之一切邪鬼不敢近

妙香散

治心氣不足精神恍惚夢與鬼交語言錯亂先服此以補氣血鎮心安神然後以前方治之方見三卷第十三論

婦人傷寒傷風方論第九

傷寒之症若氣口脈緊盛即下之人迎緊盛即汗之左關浮緊亦當發其汗若犯胃熱譫語喜忘小腹滿小便白利用抵當湯胃實譫語用承氣湯脈緊無汗名傷寒脈緩有汗為傷風熱病脈洪大為中暑用香薷飲脈微弱為中暈用白虎湯胃實用承

氣湯傷寒先服黃龍湯不分男女但妊娠用藥宜清涼不可燥用桂枝半夏桃仁朴硝等類凡用藥病稍退則止不可盡劑此為六法

愚按前症當宗仲景先生治法但胎前產後須以安胎補益為主須臨症審之

黃龍湯即小柴胡湯去半夏

桂枝紅花湯

治傷寒發熱口燥舌乾經脈不來

桂枝

芍藥

甘草

炒各一錢

紅花一錢

右薑棗水煎服良久再進汗出可解

黃芩芍藥湯

治婦人內熱口燥咽乾腹滿不食

黃芩炒

芍藥炒

白朮

熟地黃自製各一錢

右水煎寒加生薑

婦人傷寒

卷之六

七

卷百四九



婦人血虛  
當歸湯 治傷寒喘急煩燥或戰而作寒此陰陽俱虛不可下  
宜服此藥

柴胡 一錢  
白朮 炒七分  
人參  
甘草 炒

赤芍藥 當歸 各五分  
五味子 炒  
木通 各三分

右水薑棗煎

瀉心三黃湯 治傷寒六七日內有燥屎大便秘結譫語目赤

毒氣閉塞

大黃 煨  
黃芩 炒  
黃連 炒各一錢

右水煎服取微利如日赤睛疼加赤茯苓竹葉

燒褊散

治女子病新瘥與男子交者名曰陰易其証則裡急

胯痛頭重不舉目中生花或頭面烘熱耳中蟬鳴胸中煩悶  
甚者百節解散用男子舊褊襠着左腹者剪取一塊燒灰每

日三服白湯下男子病則以女人者如不應用參附湯

婦人熱入血室方論第十

婦人傷寒傷風發熱經水適來晝則安靜暮則譫語有如瘧狀  
此為熱入血室治者無犯胃氣及上二焦二服小柴胡湯若脈  
遲身涼當刺期門穴下針病人五吸停針良久徐徐出針凡針  
期門穴必瀉勿補肥人二寸瘦人寸半也。

愚按前症若因勞役或怒氣發熱適遇經行而患前症者亦  
用小柴胡加生地黃治之血虛用四物加柴胡若病既愈而  
熱未已或元氣素弱並用補中益氣湯脾氣素鬱用濟生歸  
脾湯血氣素虛用十全大補湯。

附治驗

一婦人經行感冒風邪晝則安靜夜則譫語此熱入血室也



婦人經行感冒譫語或用發散寒涼之劑前症益甚月經  
用小柴胡加生地治之頓安但內熱頭暈用補中益氣湯加  
蔓荊子而愈後因怒惱寒熱譫語胸脇脹痛小便頻數月經  
先期此肝火血熱妄行用加味道遙加生地黃而愈  
一婦人因怒寒熱頭痛譫言妄語至夜益甚月經暴至此怒  
動肝火用加味道遙散加生地黃治之神思頓清又用補中  
益氣湯而痊

一婦人經行感冒譫語或用發散寒涼之劑前症益甚月經  
不止肚腹作痛嘔吐不食痰涎自出此熱入血室而藥復傷  
胃也用香砂六君及歸脾而痊

乾薑柴胡湯 治婦人傷寒經脈方來熱入血室寒熱如瘧或  
狂言見鬼

柴胡 一錢

桂枝 三分

括蕪根 五分

牡蠣 煨

乾薑 炮

甘草 炒各三分

右水煎汗出而愈

海蛤散 治婦人傷寒血結胸膈宜服此藥及針期門穴

海蛤

滑石 煨水飛

甘草 各二分

芒硝 一兩

右為末每服二錢用雞子清調下小腸通利其結血自散更  
用桂枝紅花湯發其汗則愈方見前

附方

小柴胡湯 方見二十四卷第二論

四物湯

香砂六君子湯

補中益氣湯 三方見二十四卷第六論

歸脾湯

十全大補湯



加味逍遙散

三方見二十四卷第四論

婦人咳嗽方論第十一

夫肺為四臟之華蓋內統諸經之氣外司腠理皮毛若外邪入於肺中故令咳嗽當以脈息辨之浮而弦者起於風濡而弱者起於濕洪而數者起於熱遲而澁者起於寒風者散之濕者燥之熱者涼之寒者溫之虛者補之

愚按丹溪云春是木氣上升夏是火氣炎上秋是濕熱傷肺冬是風寒外來當發散行痰開腠理用二陳湯加麻黃桔梗杏仁痰飲隨症加藥勞嗽宜四物加竹瀝薑汁乾咳嗽難治此症乃痰鬱火邪也用苦梗開之夏用補陰降火不已則成勞上半日多嗽者胃火也用貝母石膏午後嗽者陰虛也用四物加炒黑黃柏知母黃蘗嗽者火氣浮於肺也用五味子

五倍子五更嗽者飲食之火流於肺也以貝母軟石膏肺脹而嗽或左或右不得眠此痰挾瘀血氣滯而病宜養血疎肝清痰用四物加桃仁訶子青皮竹瀝之類嗽而脇下癢宜疎肝氣以青皮挾痰實者白芥子之類血凝氣作嗽者桃仁大黃薑汁丸服治嗽多用生薑以其辛散故也痰因火動逆上作嗽者先治火次治痰以知母止嗽清肺滋陰降火夜嗽用清陰分之劑若嗽多用粟殼不必疑但要丟病根此乃收後藥也竊謂前症午前嗽屬胃火盛用竹葉石膏湯胃氣虛用補中益氣加炒山梔午後嗽屬陰血虛用四物黃柏知母酒拌炒黑腎水虛用六味地黃丸黃昏嗽用四物五味麥門井煎丸五更嗽用六君子不得眠及兩脇下痛用六味地黃補中益氣若因氣虛腠理不密六淫所浸當祛外邪而實脾土若



因心火大過當伐肝木而滋肺金若因肺金氣虛當補脾土而生肺氣若因腎水虧損虛火炎上當補肺腎以滋化源大抵風邪胃火此實熱為患易治惟肺腎虧損此真臟為患最難調治

附治驗

一婦人素勤苦冬初咳嗽發熱吐血盜汗通身作痛或寒熱往來用化痰降火之藥口噤筋攣此血本虛而藥復損之耳余用八味丸為主佐以補中益氣麥門五味山藥年餘而愈

一婦人咳嗽發熱嘔吐痰涎日夜約五六碗喘咳胸痞燥渴不食崩血如湧此脾土虛寒用八味丸及附子理中湯而愈

全見女科撮要

一婦人不得於始患嗽胸膈不利飲食無味此脾肺俱傷痰

鬱於中也先用歸脾湯加山梔撫芎貝母桔梗諸症漸愈後以六君加芎歸桔梗間服全愈

一婦人咳嗽早間吐痰甚多夜間喘急不寐余謂早間多痰乃脾虛飲食所化夜間喘急乃肺虛陰火上衝用補中益氣加麥門五味而愈

一婦人患咳嗽脇痛發熱日晡益甚余曰此肝脾虛熱而傷肺也用加味逍遙散加熟地治之而愈後因怒氣勞役前症仍作兼太陽痛或寒熱往來或咳嗽遺尿此肺氣虛而尿脾失制也仍用前散及地黃丸而瘥

一婦人久咳嗽面色痿黃或時眊白肢體倦怠飲食少思稍多則瀉此脾土虛而不能生肺金朝用補中益氣湯夕用六君子湯為主間佐以八珍湯三月餘漸愈後感寒邪喘嗽胸



腹作脹飲食不入四肢逆冷此中氣尚虛不能克皮毛肥腠理司開闔之所致也遂用六君加生薑桔梗而愈

附方

法製清氣化痰丸 順食快脾化痰消食

半夏

南星去皮尖

白礬

皂角

乾薑各四兩

先將白礬等三味用水五碗煎水三碗却入半夏二味浸二日再煮至半夏南星無白點為度晒乾

陳皮

青皮

紫蘇子炒

蘿蔔子炒另研

杏仁去皮尖炒研

葛根

神麩炒

麥蘖炒

山楂子

香附子

右為末蒸餅丸桐子大每服五七十九臨臥茶湯任下

茯苓湯 治胸中有痰飲吐水心胸虛滿不能進食

茯苓

人參

白朮炒各三兩

枳實炒二兩

橘皮二兩半

生薑四兩

右用水六升煮取一升分三服

加減小柴胡湯 治咳嗽寒熱往來

柴胡

半夏

黃連炒各一錢

甘草炒

乾薑炮各五分

五味炒三分

右水煎服

黃連解毒湯 治一切實火喘咳脈洪大或狂言煩躁口乾飲

冷喘急鄭聲目睛赤痛

黃連

黃芩

梔子

黃柏各二錢

右水煎服

梔子仁湯 治喘咳發熱潮熱發狂煩躁面赤咽痛

梔子仁

赤芍藥

大青

知母各一錢



婦人頭方  
薛氏醫案卷之六  
六

升麻  
黃芩  
石膏  
甘草

杏仁各二錢  
柴胡二錢  
豆豉百粒  
右水煎服

麥門冬湯 治火熱乘肺咳嗽有血胸脇脹滿五心煩熱

麥門冬去心  
桑白皮炒  
生地黄各一錢  
半夏

紫苑  
桔梗  
淡竹葉  
麻黃各七分

五味子杵  
甘草各五分  
右薑水煎服

二陳湯 方見二十四卷第六論

竹葉石膏湯 方見十三卷第十論

補中益氣湯

四物湯

六君子湯 方見二十四卷第六論

六味丸

八味丸 一方見二十四卷第十一論

附子理中湯 方見二十卷第八論

歸脾湯

加味逍遙散

八珍湯 方見二十四卷第四論

咳嗽用溫藥方論第十二 初虞世

經曰微寒為嗽寒甚為腸澼。古人立方多用乾薑桂心細辛之屬若熱在上焦而咳虛則為肺痿實則為肺癰或因氣血不足或因酒色厚味或因重亡津液燥氣焚金或脈數發熱咳嗽有血宜辛溫建中之屬若用柴胡驚甲門冬葶藶等藥則誤矣。愚按丹溪云陰分嗽者多屬陰虛肺脹不得眠者難治肺痿專主補氣養血清金肺氣有餘者宜瀉之以桑白皮為主半

婦人頭方 薛氏醫案卷之六 六



夏茯苓佐之瀉其有餘補其不足肺燥者當潤之屬熱者桔梗大力子知母雞子清聲啞者屬寒細辛半夏生薑肺虛者人參阿膠為主陰不足者六味地黃為要藥或知母茯苓湯陰虛氣喘四物加陳皮甘草以降其氣補其陰竊謂前症嗽而鼻塞聲重風邪傷肺也用參蘇飲面赤喘嗽火尅肺也人參平肺散寒熱交作肝氣不和也四君加知母柴胡桔梗咳喘短氣肺虛也人參補肺湯體倦少食脾虛也參朮補脾湯口乾咽燥虛火上炎也六味丸大凡發熱喘嗽或咳唾膿血飲食不入急補脾肺滋腎水多有得生者脈浮大而面色赤者皆難治脈浮短濇者可療

參蘇飲 治外感風寒咳嗽氣逆血蘊上焦發熱氣促或咳血

嗽血或咳嗽不止加黃芩山梔名加味參蘇飲

人參

紫蘇葉某去

半夏薑汁拌炒

茯苓

陳皮

桔梗

葛根

前胡

枳殼炒各

甘草各五分

右薑水煎服

金沸草散

治肺經受風頭目昏疼咳嗽聲重涕唾稠粘

荆芥穗一錢

前胡

麻黃

旋覆花各七分

甘草炙

赤芍藥

半夏各五分

右薑棗水煎

定喘湯 治痰喘胸滿坐臥不安聲重鼻塞頭昏

半夏麩

明阿膠炒

甘草炒各五分

夔粟殼一錢製

五味子杵炒

桑白皮炒

麻黃去節

人參各三分

右薑三片烏梅半箇水煎臨臥服

金不換正氣散 治脾胃虛弱咳嗽不已喘滿涎盛

夔粟殼一錢製

杏仁

甘草

枳殼各五分

婦人良方

薛氏醫案卷之六

卷百五十六



右生薑烏梅水煎

錄驗橘皮湯 治肺傷冷濕咳嗽喉中作聲土氣頭痛

陳皮

紫苑

麻黃 去根

杏仁 製

當歸 各一錢

桂心

甘草 炒

黃芩 各五分 炒

右水煎

華蓋散 治肺感寒邪咳嗽聲重胸膈煩滿頭目昏眩

蘇子 炒

陳皮

赤茯苓

桑白皮 炒

麻黃 各一錢

甘草 五分

右薑水煎服

千金五味子湯 治咳嗽皮膚乾燥唾中有血胸脇疼痛

五味子 炒

桔梗 炒

紫苑

甘草 炒

續斷 各一錢

竹茹 三錢

赤小豆 一撮

生地黃

桑白皮 各半兩 水煎服

知母茯苓湯 治咳嗽不已往來寒熱自汗喘促或肺痿

知母

茯苓 一兩

五味子 炒

人參

薄荷

半夏

柴胡

白朮

款花

桔梗

麥門冬 去心

黃芩 炒 各半兩

川芎

阿膠

甘草 各三錢

右每服一兩薑水煎

小青龍湯 治肺感寒咳嗽喘息加杏仁煎有汗去麻黃細辛

發熱頭疼脈沉細或嘔或欬或利或噎或小便不利小腹滿

脹喘嗽之聖藥

瀉白散

桔梗湯

人參平肺散

婦人良方

卷之六

定

七百五十一



婦人耳力  
薛氏醫案卷之六

人參補肺湯

參朮補脾湯 五方見二十四卷第十二論

六味丸 方見二十四卷第十一論

四物湯

四君子湯 一方見二十四卷第六論

勞嗽方論第十三

經曰感於寒微則為咳甚則為泄蓋肺主氣合於皮毛邪傷皮毛則咳為肺病傳於各臟以時受邪肺為嫩臟邪易傷而難治其嗽有肺心脾腎肝風寒支飲膽之十種亦有勞嗽者華陀謂之邪嗽孫真人謂之注嗽此因酒色過度勞傷肺經重者咯唾膿血輕者時發時瘥或先嘔血而後嗽或先咳嗽而吐血此又痰邪傳在孫真人用通氣丸夢與鬼交用四滿龍蛤蚧天靈蓋

桃柳枝安息香之類若肺中有蟲入喉痒嗽須以藥含化其蟲即死嗽即止

愚按仲景先生云咳而兩脇痛不能轉側兩胛滿屬於肝臟用小柴胡湯咳而嘔苦水屬膽腑黃芩半夏生薑湯咳而喉中如梗狀甚則咽腫喉閉屬心臟桔梗湯咳而大便失氣屬小腸腑芍藥甘草湯咳而右胛痛陰引肩背甚則不可動動則咳劇屬脾臟升麻湯咳而嘔嘔甚則出長蟲屬胃腑烏梅丸咳而喘息有聲甚則唾血屬肺臟升麻湯咳而失尿屬大腸腑麻黃附子細辛湯咳而遺溺屬膀胱茯苓半夏湯咳而不止三焦受之其狀腹滿不食涕唾面目浮腫氣逆異功散用之對証其效如神仍參五卷看

附治驗

婦人耳力

薛氏醫案卷之六

三

卷之六



一婦人患前症。晡熱內熱。寒熱往來。作渴盜汗。小便頻數。其經兩三月一行。此肝脾氣血虛損。用八珍湯。六味丸。各六十餘劑。諸症漸愈。其經兩月一行。仍用前二藥。間以加味逍遙散。各三十餘劑。後患怒。適經行去血過多。諸症悉至。飲食少思。腹脹氣促。用十全大補湯。數劑漸愈。仍用前藥調補。漸愈。復因喪子。胸腹不利。食少內熱。盜汗便血。無寐。用加味歸脾湯。仍兼前藥而愈。

一婦人患前症。不時發熱。或時寒熱。或用清熱之劑。其熱益甚。盜汗口乾。兩足如炙。遍身皆熱。昏憤如醉。良久熱止。方甦。或晡熱至旦方止。此陰血虛而陽氣弱也。余朝用六味丸料。夕用十全大補湯。月餘諸症稍愈。更兼以補中益氣湯。兩月餘而愈。

孫師四滿丸 治上氣嗽飲嗽燥嗽冷嗽邪嗽謂之五嗽

乾薑炮 桂心 躑躅花 芎藭

紫苑各二兩 芫花根皮分二 蜈蚣一條去頭足炙 細辛

甘草炙 鬼督郵 人參 半夏洗各一兩

右為末煉蜜丸大豆許每服五丸米飲下日三服未應加至七八丸

溫金散 治勞嗽喘悶咯痰中有血方見前勞瘵類

阿膠丸 治勞嗽并嗽血咯血方見前勞瘵類下補遺

團魚丸 治骨蒸勞嗽累効

貝母 前胡 知母 杏仁

柴胡各等分 生團魚二个

右藥與魚同煮熟取肉連汁食之將藥焙乾為末用骨更煮



汁一盞和藥丸梧子大每服二十九煎黃芪六一湯空心送下病既安仍服黃芪六一湯調理

附方

地骨皮散

知母炒

柴胡

甘草炒

人參

地骨皮

茯苓

半夏姜製各一錢

右薑水煎服

海藏紫苑散

治咳中有血虛勞肺痿

人參

紫苑

知母炒

貝母

桔梗

茯苓

阿膠炒各一錢

五味子杵三分

甘草炙五分

右薑水煎服

參朮調中湯

瀉熱補氣止嗽定喘和脾胃進飲食

黃芪四分

桑白皮五分

人參

炙甘草

青皮

白茯苓各二分

五味子杵五分

白朮三分

地骨皮

麥門冬

陳皮各五分

右水煎服

二陳湯

治脾胃虛弱中脘停痰或嘔吐惡心或頭目不清飲食少思方見二十四卷第五論

食少思

異功散

方見二十四卷第五論

六味丸

方見二十四卷第十一論

八珍湯

加味逍遙散

十全大補湯

加味歸脾湯

四方見二十四卷第四論

補中益氣湯

方見二十四卷第六論

喘滿方論第十四

婦人良方

薛氏醫案卷之六

看

卷之六



岐伯曰。夜行則喘出於腎。淫氣病肺。有所墮恐。喘出於肝。淫氣  
害脾。有所驚恐。喘出於肺。淫氣傷心。度水跌仆。喘出於腎與骨  
皆因外邪所感。而致太陽病。則脈浮無汗而喘。用麻黃湯。陽明  
病。則汗出腹滿。喘而潮熱。承氣湯。表邪未解。喘促汗出。葛根黃  
芩湯。微喘。桂枝厚朴杏仁湯。汗出而喘。麻黃杏子甘草石膏湯。  
表邪未解。小青龍湯。去麻黃。加杏仁。感寒伏熱而喘。九寶湯。氣  
鬱痰盛。喘促。四七湯。涎多而喘。千縉湯。不得臥而喘。神秘湯。寒  
熱喘咳。棗膏丸。上氣喘促。神授湯。上盛下弱。吞黑錫丹。若四肢  
逆冷。脈息沉細。或寸大尺小。胸脹冷汗。大便頻數。上氣喘促。此  
虛極挾寒之陰症。急用返陰丹。

愚按東垣云。肺金受邪。由脾胃虛弱。不能生肺。乃所生受病。  
故咳嗽氣短。氣上皮毛。不能禦寒。精神少而渴。情慘不樂。皆

陽氣不足。陰氣有餘也。治法若肺氣虛弱。用四君枳殼半夏  
脾虛不能生肺。補中益氣湯。七情氣結。四七湯。脾經鬱結。歸  
脾湯。脾氣虛弱。人參補肺散。肺經火盛。人參平肺散。腎水敗  
濁。六味丸。真陽虛損。八味丸。或兼小便不利。為害尤速。非二  
丸不能救。仍與前十一十二論互用。

附治驗

一婦人傷風寒作喘。或用表散愈而復患。仍用前藥。其症益  
甚。飲食少思。胸腹不利。此因脾肺氣虛也。予先用六君子湯。  
加桔梗。漸愈。又用補中益氣湯全愈。

一婦人患前症。屬命門火虛。不能生脾土。用補中益氣湯。八  
味地黃丸。而痊。後復患。其喘益甚。用前藥不應。遂用黑錫丹。  
二服喘止。仍用前二藥。而諸症痊。凡屬邪氣有餘者。其症易



婦人良方 卷之六

識治効亦速其屬元氣不足者變症不一効非可以旦夕也  
神祕湯 治水氣乘肺作喘或支飲喘滿痰嗽不食

陳皮去白 紫蘇葉 人參 桑白皮  
生薑各一錢 右水煎服

千禧湯 半夏七枚 炮製 皂角去皮尖 一十 甘草炙一 生薑如指大

右薑水煎服 棗膏丸 治息賁在右脇下大如杯令人灑淅寒熱喘咳

甜葶藶 陳皮 苦梗各等分  
右為末煮棗肉丸桐子大每服數丸白湯下許學士云余常

停飲水積食已必噎漸喘覺肺系急服此良驗  
神授湯 治上氣喘急不得臥

橘紅 苦梗 紫蘇 人參

五味子杵炒 三分 右薑水煎服  
九寶湯 治伏熱咳嗽喘急虛勞自汗者不可服

薄荷 紫蘇 大腹皮洗 甘草炒  
杏仁去皮 陳皮各一錢 右薑十片烏梅一箇水煎

四磨湯 治七情鬱結上氣喘急滿悶痰涎上湧  
人參 枳榔 沉香 烏藥

右四味各濃磨白沸湯少許溫服  
五味子湯 治咳嗽皮膚乾燥唾中有血胸膈疼痛

五味子杵炒 桔梗炒 紫苑 甘草炒  
續斷各五分 竹茹一錢 赤小豆一撮 生地黃二錢

桑白皮二錢 炒 右水煎服



附方

六君子湯

四君子湯

補中益氣湯

三方見二十四卷第六論

四七湯

方見十一卷第七論

歸脾湯

方見二十四卷第四論

人參補脾散

人參平肺散

二方見二十四卷第十二論

六味丸

八味丸

二方見二十四卷第十一論

黑錫丹

方見四卷第四論

婦人風痰積飲嗽咳方論第十五

婦人脾胃虛弱風邪外侵以致痰滯咳嗽眼昏頭眩經云九竅不利腸胃之所生也無擇云凡屬風熱三生飲化痰丸屬寒冷金沸草散屬暑熱消暑丸屬氣鬱四七湯在上瓜蒂散吐之在下控涎丹利之仍觀人之勇怯脈之虛實

愚按前症若肝經悲怒用小柴胡湯肝經風熱用釣藤散肝腎氣虛用川芎散脾經鬱結用濟生歸脾湯鬱怒傷肝脾用加味逍遙散脾虛痰逆用白朮半夏天麻湯脾氣虛弱用六君子益氣湯肺氣鬱滯用二陳貝母桔梗陰虧水泛六味地黃腎虛陰火加減八味丸腎虛火不歸源八味地黃丸仍與前按互相用之。

附治驗

一婦人內熱口乾勞則頭暈吐痰帶下或用化痰理氣藥前



症益盛肢體或麻又用祛風化痰藥肢體常麻手足或冷或熱此脾土不能生肺金也余用補中益氣加茯苓半夏炮薑二十餘劑漸愈又用加味道遙散三十餘劑全愈後因怒吐痰胸痞或用清氣化痰丸食少痰甚胸膈脹滿脈或浮大或微細余以六君倍用參朮少加木香而康。

一婦人咳嗽脇痛或用清肺化痰降火等劑久不愈更加內熱晡熱若兩脇或小腹內熱其咳益甚小便自遺余曰此屬肝經血虛火動用六味丸加五味子滋腎水以生肝血用補中益氣生脾土以滋肺金而尋愈。

旋覆花湯 治風痰嘔逆飲食不下頭目昏悶等症

旋覆花 枇杷葉 川芎 細辛

赤茯苓 各一錢 前胡 五分 右水薑棗煎

大半夏湯 治痰飲脾胃不和咳嗽嘔吐飲食不入

半夏 白茯苓 生薑 各二錢

右薑水煎服胃病加陳皮如不應四七湯亦善

導痰湯 治痰涎壅盛胸膈痞塞或咳嗽惡心飲食少思

半夏 二錢 南星 枳實 麩炒 茯苓

橘紅 一錢 甘草 五分 右薑十片水煎

附方

川芎散 治肝腎氣虛頭風眩暈

小川芎 山藥 白茯苓 甘菊花

人參 各五錢 山茱萸 肉

右每服一兩食前空心水煎服或為末酒調日三服

小柴胡湯 方見二十四卷第二論



婦人良方  
婦人良方  
婦人良方

釣藤散 方見四卷第四論

歸脾湯

加味逍遙散 二方見二十四卷第五論

白朮半夏天麻湯 方見四卷第五論

六君子湯

補中益氣湯 二方見二十四卷第六論

二陳湯 方見二十四卷第五論

六味丸

加減八味丸

八味丸 三方見二十四卷第十一論

婦人心胸嘈雜方論第十六

婦人心胸嘈雜。此脾胃鬱火。痰滯血液。淚汗而成。用猪血炒食之。乃

以血導血而使之歸源。而旋覆花湯尤善。

愚按前症若因食鬱。用六君。山查。山梔。若因胃熱。用二陳。

炒芩。連若因六鬱。用越鞠丸。若因氣滯。用四七湯。桔梗枳殼。

大抵此症屬病氣。元氣俱不足。須用六君為主。少佐以治痰

之藥。若以火治之。必變吞酸中滿。

附治驗

一婦人飲食少。思胸中嘈雜。頭暈吐痰。此中氣虛而有熱。用

六君子湯。加炒黑山梔。桔梗。而愈。後因勞碌。頭暈發熱。吐痰

不食。用補中益氣。加半夏。茯苓。天麻。而痊。

一婦人中脘嘈雜。口中辛辣。或咳嗽吐痰。發喘。面色或白。或

赤。此脾氣虛而肺中伏火也。用六君子。加山梔。桔梗。便柴胡。及

炒黑片芩。治之尋愈。

婦人良方

婦人良方

元

卷五



一婦人嘈雜吞酸飲食少思大便不實此脾氣虛寒而下陷用補中益氣湯加茯苓半夏炮薑漸愈又常服人參理中丸則安

一婦人飲食後嘈雜吞酸此食鬱為痰用六君子湯送越鞠丸漸愈又用加味歸脾湯而痊後因怒兩脇脹痛中腕作酸用四君湯送左金丸漸安仍用六君子湯送越鞠丸而痊旋覆花湯 治脾胃虛寒中腕停痰汪洋嘈雜腸鳴多睡嘔吐不食脇肋脹痛脈沉遲弦細

旋覆花

細辛

橘紅

桂心

人參

甘草炒

苦梗

白芍藥

半夏五分

赤茯苓各三分

右薑水煎服

余治婦人心胸嘈雜用茯苓補心湯治之而愈方見前

附方

補中益氣湯

四君子湯

六君子湯 三方見二十四卷第六論

二陳湯 方見二十四卷第五論

越鞠丸 方見前第七論

四七湯 方見十卷第七論

歸脾湯 方見二十四卷第四論

人參理中湯 方見二十卷第八論



婦人良方卷之七

婦人良方卷之七

薛氏醫按

臨川陳目明編 吳郡薛 已註

新都 閔道政校

○婦人嘔吐方論第一

婦人嘔吐。良由脾胃不調。外邪乘之。或胃中虛冷。或胃口有熱。或中脘停痰。或胃經血弱。治法胃冷者。丁香散。理中丸。胃熱者。小柴胡湯。竹茹湯。胃虛者。藿香正氣散。停痰者。半夏茯苓湯。二陳湯。血虛者。十全大補湯。加陳皮半夏藿香。

愚按東垣先生云。前症內有故寒。與新穀俱入於胃。新故真邪相攻。氣併相逆。復出於胃。故為嘔。補手太陰。瀉足少陰。又云。胃因氣逆為噦。夫嘔吐噦者。俱屬於胃。以其氣血多少為異耳。如嘔者。陽明也。陽明多血多氣。故有聲有物。血氣俱病。

婦人良方卷之七 薛氏醫按 卷之七 一 苑百六七



也。仲景云：嘔多雖有陽明症，慎不可下。孫真人云：嘔家多服生薑為嘔家之聖藥也。氣逆者必散之，故以生薑為主。吐者太陽也，太陽多血少氣，故有物無聲為血病，也有食入則吐以橘皮去白主之。噦者少陽也多氣少血，故有聲無物，乃氣病也。以薑製半夏為主。若脾胃虛弱，寒邪所客，飲食所傷者，用六君、丁香、藿香、生薑之類。若胃中有熱，膈上有痰，用二陳、山梔、黃連、生薑。若久病胃虛嘔而不納穀者，用生薑、參、朮、黃芪、香附之類。亦有痰膈中焦，食不得下者，有氣逆而嘔者，有氣鬱於胃口者，有食滯於心肺之分而復出者，有胃口有火與痰而嘔者。若注船大吐，渴飲水者，即死。童便飲之最妙。前論云：血不歸源而嘔，用十全大補湯。誠發前人之未發。愚常用屢效。此論與王安道先生痰瀉集所論少異，仍宜參看之。

附治驗

太守陽山之內，素善怒，胸膈不利，吐痰甚多，吞酸噯腐，飲食少思，手足發熱，數年矣。所服非芩連枳實，必檀蘇厚朴，左關弦洪，右關弦數，此肝火血燥，木乘土位。朝用六味地黃丸以滋養肝木，夕用六君歸芍以調補脾土而愈。乙巳夏，因大怒吞酸噯腐，胸腹脹滿，或用二陳石膏治之，吐瀉如湧。外熱如灼，脈洪大，按之如無。余曰：此脾胃虧損，虛陽發越於外，脾敗而涎泛出也。用六君加薑桂一鍾，即睡覺而諸症如失，又數劑而康。

先太宜人，飲食後聞外言忤意，嘔吐酸水，內熱作渴，惟飲冷水，氣口脈大而無倫，面色青赤，此肝脾鬱火，投之以藥，入口即吐。第三日吐宿食，第七日吐酸黃水，十一日吐苦水，脈亦



洪大仍喜飲冷。以黃連煎湯。冷飲少許。至二十日。加白朮茯苓。二十五日。加陳皮。三十七日。加當歸炙草。至六十日。始進米飲。半盞。漸進薄粥。調理得痊。

一婦人食後因怒。患瘧嘔吐。用藿香正氣散而愈。後復怒吐痰。狂言熱熾。胸脇脹痛。手按少得。脈洪大無倫。按之微細。此屬肝脾二經血虛。以加味逍遙散。加熟地川芎二劑。脈症頓退。再用十全大補湯而安矣。府庠沈姬文母患脾虛中滿。痰嗽發熱。又食濕麪冷茶。吞酸嘔吐絕食。誤服苓連青皮等藥。益加寒熱。口乾流涎。不收間食。則嘔數日矣。迎治。余曰。脾主涎。此脾虛不能約制也。欲用人參安胃散。惑於眾論。以為胃經實火宿食治之。病日增劇。忽思冬瓜。食如指甲。一塊頓發。嘔吐酸水不止。仍服前藥。愈劇。復邀視之。則神脫脈絕。瀕死。

矣。惟目睛尚動。余曰。寒淫於內。治以辛熱。然藥不能下矣。急用盪艾附子炒熟。熨臍腹。以散寒回陽。又以口氣補按母口之氣。又以附子作餅。熱貼臍間。時許。神氣少甦。以參朮附子為末。仍以是藥加陳皮煎膏。為丸。如粟米大。入五七粒。于日隨津液嚥下。即不嘔。二日後。加至十粒。諸病少退。甘澁不止。五日後。漸服前劑一二匙。胃氣少復。乃思粥飲。後投以參朮等藥。溫補脾胃。五十餘劑而愈。

丁香散 治脾胃氣弱。嘔吐水穀不消。

- |         |       |      |         |
|---------|-------|------|---------|
| 丁香      | 白朮    | 縮砂   | 草菓      |
| 人參 一兩   | 當歸    | 白荳蔻  | 藿香      |
| 甘草 各半 兩 | 橘皮 三分 | 神麴 炒 | 阿子 各半 兩 |

右為末。每服二錢。薑棗湯調。



竹茹湯 治胃熱嘔吐

乾薑 二錢 半夏 薑製 二錢 甘草 五分 竹茹 子大 一彈

右薑棗水煎服

許學士先生云胃熱者手足心熱也政和中一宗人病傷寒得汗身涼數日忽嘔吐藥食不下用丁香藿香滑石等藥下咽即吐余曰此正汗後餘熱留胃脘正宜竹茹湯用之即愈許仁則半夏丸 治胃冷嘔逆不食

半夏 一斤 洗去滑 小麥麩 一斤

右水和丸如彈子大水煮熟初服四五丸二服加至十四五

丸旋煮間服

七味人參丸 服前丸不應可服此藥

人參 白朮 各五 厚朴 薑製 細辛 各四

生薑 橘皮 三兩 桂心 二兩

右為末煉蜜丸桐子大米飲下十九丸漸加至二十九丸

青金丸 治嘔吐不已

硫黃 二錢 水銀 一錢

右入銚內慢火化以木片撥炒成砂研至黑不見白星薑汁糊丸棗豆大每服二三十丸米飲下

附方

人參安胃散 治脾胃虛熱嘔吐泄瀉或飲食不入

人參 一錢 黃芪 炒二 生甘草 炙甘草 各五分

白芍藥 炒七 白茯苓 四分 陳皮 三分 黃連 炒二分

右水煎服

六君子湯

婦人良方 薛氏醫案卷之七 四 乾百三



加味逍遙散

十全大補湯

二方見二十四卷第四論

六味丸

方見二十四卷第十一論

藿香正氣散

方見二十一卷第九論

○婦人霍亂方論第二

論曰。嘔吐而利者。名霍亂也。因腸胃虛弱。飲食過度。觸冒風冷。清濁相干所致。或先腹痛而吐。或先吐而痛。或吐利並作。當分寒熱而治之。飲冷者。五苓散。飲湯者。理中丸。四肢逆冷。脈微細者。用通脈四逆湯。加猪膽汁。中暑霍亂。煩渴。飲冷轉筋者。用香薷散。脈浮洪者。易治。微遲者。難治。

愚按賈元良先生云。暑者。相火行令也。夏月人感之。自口齒而入。傷心胞絡之經。其症頭疼。口乾。面垢。自汗。倦怠。少氣。或

背寒惡熱。甚者迷悶不省。或霍亂吐利。嘔痰腹痛。或下血發黃。生斑等症。治法清心火。利小便為主。若自汗熱甚。用白虎湯。若頭疼惡寒。用十味香薷散。泄瀉煩渴。飲水吐逆。用五苓散。熱甚煩渴。用益元散。清之。若表解裡熱。甚者。用黃連解毒湯。脈微。下利作渴。喜溫。或厥冷不省。人事宜竹葉石膏湯。加熟附半枚。冷飲。次以來復丹。五苓散治之。故東垣云。脾胃虛弱。遇夏月淫雨。身重短氣。甚則四肢痿軟。脚軟眼黑。當滋肺氣。以補水之源。是以五月常服五味子。人參。麥門冬之劑。為熱傷元氣故耳。丹溪所謂夏月伏陰在內也。蓋人之腹屬地。已月六陽盡出於地之上矣。是人之陽氣亦浮于肌表。散于皮毛。而腹中之陽虛矣。又加以涼臺水。館大扇風。車寒泉水。菓水涼之物。自內及外。不用溫熱病所由生。陳無擇云。凡中



暈切不得用冷藥。惟用溫養得冷即死。道途無湯。即以熱土熨臍中。溺以熱尿。即甦。槩可見矣。內經曰。脈虛身熱。得之傷暑。難經曰。傷暑得之為正邪。火自病也。當惡臭。其病身熱而煩。心痛。其脈浮大而散。傷寒論曰。太陽中暈者。身熱疼痛。而脈微弱。或發熱惡寒。而脈微細。乾暈。大抵寒傷形。熱傷氣。蓋有以也。前症若內有所積。外有所感。用二陳湯加減治之。或蘿蔔子搗碎。服而吐之。若飲米湯即死。云云。同前論若轉筋不住。男子以手挽陰。女子以手牽乳。近兩邊。此千金妙法也。乾霍亂不得升降。死在須臾。當以鹽湯吐之。後以二陳湯加川芎蒼朮。防風白芷薑煎服。若登園而不通。加枳殼。若食瓜菜飲冷。乘風霍亂。用六和湯倍加藿香。凡中暑而亡者。皆因元氣虛弱。而暑熱乘之。以致泄瀉。陽氣暴脫。實為陰虛。宜急補其陽。庶得保生。緩則不救。其他執為暑熱。投以寒藥。鮮不誤事。愚故以回陽固本之方。繼之於後。

附治驗

進士李通甫之內。冬間開衣箱。其內衣裳。乃夏月所晒者。開時覺暑氣所侵。良久患霍亂。足指足跟俱轉筋。甚惡。自分必死。用香薷飲一劑。急煎。下咽即愈。

人參

白朮

乾薑

甘草

各等分

加減理中丸 治肚腹疼痛。手足逆冷。飲食不入等症。

右為末。煉蜜杵勻。每兩作五丸。每服一丸。白湯化下。嘔吐加枳實。泄瀉加乾薑。吐瀉乾嘔。加半夏。體冷微汗。腹寒。加炮附子。水煎服。



四順附子湯 治霍亂吐利腹痛手足厥冷脉微絕方見八卷  
四逆湯加猪膽汁名四逆猪膽汁湯第十篇

甘草 二兩 乾薑 三兩 附子 一枚生

右每服五錢水煎入猪膽汁半合作二服。

香薷散 治吐利腹疼發熱頭痛或霍亂轉筋拘急。

香薷 二錢 白匾豆 厚朴薑製 茯苓各一錢

右水煎冷服連進二三劑加黃連名黃連香薷飲。

附方

十味香薷散 治伏暑身體倦忌頭疼惡寒或吐瀉等症。

香薷 一兩 人參 陳皮 白朮炒

茯苓 黃芪炒 木瓜不犯鐵器 厚朴薑製

匾豆 甘草炒各半兩 石每服一兩水煎

消暑益氣湯 治長夏濕熱所蒸四肢困倦精神短少懶於動

作胸滿氣促支節作疼或氣高而喘身熱而煩心下膨悶小

便黃數大便澹瀉或瀉痢作渴不思飲食自汗體重。

黃芪炒 蒼朮 升麻各一錢 人參

白朮 神麴炒 陳皮各五分 甘草炙

黃柏炒 麥門冬去心 當歸各三錢 葛根二分

五味子九粒炒 澤瀉五分 青皮二分 右水煎服

白虎湯 治胃熱作渴暑熱尤效又治熱厥腹滿身難轉側面

垢譫語不時遺溺手足厥冷自汗脉沉滑。

知母 石膏各二錢 粳米半台 右水煎服

人參白虎湯 治暑熱發渴脉虛等症

人參一錢五分 知母二錢 石膏半兩 甘草一錢

薛氏醫安卷之七 苑百七



右入粳米一合。水煎服。

人參益氣湯 治暑熱傷氣四肢困倦嗜臥少食兩手指麻木

黃芪炒八錢 甘草七錢內 人參半兩 升麻二錢

白芍藥炒三錢 五味百四十分 柴胡二錢

右改阻分作四服

大順散 治胃暑伏熱引飲過多脾胃受濕水穀不分清濁相

干陰陽氣逆霍亂嘔吐臟腑不調

甘草炒 乾薑炮 杏仁去皮炒 桂去皮

右為末每服二三錢湯點服

消暑丸 治傷暑發熱頭疼或嘔吐泄瀉二便不分

半夏 甘草炒 茯苓各半斤

右為末生薑汁和丸桐子大每五十九丸水下易簡方薑汁好

醋煮半夏末作糊丸服

薑附湯 治霍亂轉筋手足厥冷汗出嘔逆腹痛脈欲絕者

乾薑炮一兩 附子生用一箇 右為末每服五錢水煎服

通脈四逆湯 治霍亂惡寒腹痛身冷自汗脈沉微如欲絕

吳茱萸二兩炒 附子炮一兩 桂心 通草

細辛 白芍藥炒 甘草炙各半兩 當歸三錢

右每服四錢水酒生薑煎如不應更加倍服之以效為度

半夏解毒湯 治一切暑熱毒五心煩躁口舌咽乾

黃柏炒 黃芩炒 山梔子炒 半夏等分

右每服五錢水煎

六和湯 治胃暑伏熱煩悶霍亂轉筋吐瀉寒熱交作頭目昏

痛嗜臥倦怠小便赤澀不問胎產並服之

婦人良方 卷之七 八 荒百七



縮砂

半夏

易炮七次

杏仁

去皮尖

人參

甘草

炙各一兩

赤茯苓

藿香

木瓜

各二兩

白扁豆

薑汁香薷

厚朴

薑製各四兩

石每服一兩薑棗水煎服

益元散

治中暑身熱小便不利或發熱體痛口乾作渴

滑石

六兩

甘草

微炒一兩

石為末每服三錢加蜜少許湯水任下

二陳湯

方見二十四卷第五論

來復丹

五苓散

二方見二十一卷第十論

竹葉石膏湯

方見十三卷第十論

○婦人翻胃吐食方論第三

論新醫

愚按病機云前症有三曰氣積寒也皆從三焦論之上焦吐者從於氣氣者天之陽也其脈浮而洪食已暴吐渴欲飲水大便燥結氣上衝胸發痛其治法當降氣和中中焦吐者從於積有陰有陽食與氣相假為積而痛其脈浮而匿其症或先痛而後吐或吐而後作痛治法當以小毒藥去其積積椰木香行其氣下焦吐者從于寒地之道也其脈沉而遲其症朝食暮吐暮食朝吐小便清大便秘而不通治法當以毒藥通其閉塞溫其寒氣大便漸通復以中焦藥和之不令大便秘結而自愈也王太僕曰食不得入是有火也食入反出是無火也又發明曰噎者六腑之所主陽也氣也塞者五臟之所主陰也血也二者皆由陰中伏火而作也劉宗厚先生曰若三焦傳化失常所致主於氣也若血虧胃腕乾稿所致因



於血也。寒猶填塞不通之義。故發明有治幽門不通噎塞不  
便通幽湯例。蓋陽無陰不能通化陰之失位。而陽伏其中。傳  
化不變而反上行矣。故前症或由飲食起居七情虧損脾胃  
痰飲停滯中氣不運。當以補中益氣湯為主。若鬱結傷脾。用  
歸脾湯加枳殼桔梗。若恚怒傷肝。用小柴胡加梔苓參朮。脾  
氣虛弱。用六君加山梔枳殼。氣血俱虛。用八珍湯加山梔牛  
夏。若用行氣之藥。胸膈痞悶。用六君芎歸之類。若過用香燥  
之劑。而大便結燥。用四物參朮之類。若飲食不能入。用六君  
山梔吳茱萸製黃連。若食入而反出。用六君炮薑白豆蔻黃  
連製吳茱萸。若痰滯而食反出。六君枳殼桔梗。若飲食少思  
大便不實。胸膈痞悶。吞酸噎腐。食反不化。是為脾胃虛寒。用  
東垣回真丸。或八味丸。若發熱煩熱。身惡風寒。腹畏熱食。或  
手足俱冷。胸滿腹脹。是內真寒外假熱。用神效附子丸。或八  
味丸。大凡嘔吐善食喜飲冷水。是為有火。嘔吐少食喜飲熱  
湯。是為無火。當審其因而治之。

附治驗

一婦人患前症。胸膈痞悶。得去後。或泄氣稍寬。余曰。此屬脾  
氣鬱結而虛弱也。當調補為善。不信。乃別用二陳枳實黃連  
之類。不應。又用香燥破氣。前症益甚。形氣愈虛。余用加味歸  
脾湯。調治半載而痊。

一婦人患前症。胸膈脹悶。或小腹不利。或時作痛。小便瀯滯。  
余曰。此肝火血虛也。當清肝火。生肝血。養脾土。生肺金。以余  
言為迂。別服利氣化痰等劑。前症益劇。虛症益起。余用加味  
逍遙散。加味歸脾湯兼服。尋愈。



一婦人患吐痰甚多。手足常冷。飲食少思。余曰。此肝脾鬱怒。兼命門火衰不信。另服化痰利氣之劑。胸腹愈脹。又服峻利。疎導之劑。余曰。非其治也。必變脾虛發腫之症。急服金匱加減腎氣丸。庶有可救。仍不信。反服沉香化氣等丸。果發腫。而白聖散。治虛熱翻胃。用白聖土一斤。米醋一升。煨土赤。入醋內。再煨。再入。以醋乾為度。取土一兩。入炮薑一錢。為末。每服一錢。米飲下。甚者二錢。須服四兩。有效。

太倉丸 治胃弱翻胃。  
肉豆蔻 砂仁各二 丁香一兩 陳倉米一升

石為末。薑汁糊丸。桐子大。每服六七十丸。薄荷湯下。  
青金丹 每服三十九。生薑陳皮煎湯送下。方見前 嘔吐類

附方

東垣補真丸

肉蓯蓉 酒浸  
肉豆蔻 煨  
五味子 各五錢  
鹿茸 酒浸  
巴戟 去心  
鍾乳粉 各一

石為末。用羊腰子兩對。治如食法。葱椒酒煮。搗爛。入酒糊丸。如梧子大。每服七十丸。空心米飲。鹽湯任下。

神效附子丸 治脾腎虛寒嘔吐。或翻胃膈噎。用黑附子重一兩四五錢。端正底平尖圓一枚。灰火炮皮。裂入生薑自然汁。內浸潤。晒乾。乃炮。再入汁浸潤。仍晒。再炮。用盡薑汁。半碗為

婦人東方 薛氏醫案卷之七 五 七



度却去皮臍爲末以人參煎膏丸黍米大每服數丸津唾嚥下胃氣稍復飲食稍進投以溫補之劑

六君子湯

補中益氣湯

四物湯 三方見二十四卷第六論

歸脾湯

加味歸脾湯

八珍湯

加味道遙散 四方見二十四卷第四論

八味丸 方見二十四卷第十一論

二陳湯 方見二十四卷第五論

金匱加減腎氣丸 方見二十一卷第十論

○婦人血脈方論第四

愚按前症若氣逆而血滯用流氣飲若悲怒而血逆用小柴胡山梔丹皮血虛用四物參朮柴胡山梔丹皮若鬱結而血傷用加味歸脾兼加味道遙散脾虛不能生血用六君歸芎胃虛不能生血用益氣湯若肝虛而不能藏血用補肝散如不應兼以六味丸若因脾肺虛用補中益氣湯如不應用六君加芎歸

附治驗

一婦人患前症胸膈痞悶余曰此屬脾經血虛遂用四君芎歸調補脾氣尋愈又因怒兼兩脇痞悶頭目不清月經旬餘未竭用加味道遙散加釣藤治之復瘥

一婦人患前症胸膈作痛而青目窵小便頻數或時寒熱此



婦人良方  
肝氣滯而血凝。先用失笑散二服。痛止。又用加味道遙散。而一婦人所患同前。泛用行氣破血之劑。以致不起。神功散。治血滯。胸腹作痛。

五靈脂炒 莪術 桂心 芸薹子炒各半兩

右每服二錢。酒水煎。

附方

流氣飲 方見三卷第七論

小柴胡湯 方見二十四卷第二論

加味歸脾湯

加味道遙散 二方見二十四卷第四論

四物湯

補中益氣湯

四君子湯

六君子湯 四方見二十四卷第六論

補肝散 方見本卷第十七論

六味丸 方見二十四卷第十一論

失笑散 方見二十卷第五論

製吳茱萸黃連法。用二味等分。用熱湯拌濕和勻。重湯頓煮。使氣相通。同炒焦。各揀出聽用。

○婦人鼻血方論第五

婦人氣血調和。則循環經絡。若勞傷元氣。陰虛火動。氣逆於肺。則血隨鼻而衄。產後尤不可治。陳無擇曰。亦有因怒氣而得者。趙恭人鼻衄。先用蘇合香丸四粒。次用五苓散。濃煎白茅花湯。調服即止。又用芎歸湯調理而安。一富男鼻血。六脉洪數。訊之

婦人良方 薛氏醫案卷之七 五 疏百九



云曾服丹藥遂用芩連大黃為末水調服解之而愈  
愚按前症若熱鬱於胃經用犀角地黄湯若伏暑於內用黃  
連香薷飲若大怒血蓄于上用小柴胡湯若脾損不能攝血  
歸源用歸脾湯大凡雜症見血多因陰分鬱熱或內有所傷  
皆屬五志所動經曰諸見血身熱脈大者難治是火刑勝也  
身涼脈靜者易治是正氣復也仍與後症同用

附治驗

一婦人經素不調因怒衄血此肝火熾盛用加味小柴胡加  
紅花二劑血止又用加味逍遙散八珍湯兼服三十餘劑經  
行如期

一婦人鬱結而患前症用加味歸脾湯其血漸止飲食漸進  
用加味逍遙散元氣漸復寒熱漸止後因怒仍衄寒熱往來

用小柴胡湯加芎歸丹皮而愈

一婦人因勞衄血服此血之劑更致便血或以血下為痛仍  
用治血余曰此因脾氣下陷而血從之當升補脾氣使血  
歸其經不信果血益甚余朝用補中益氣湯夕用加味歸脾  
湯而愈此症用寒涼止血不補脾肺而死者多矣

刺薊散 治血熱鼻衄

刺薊

生地黄 各二錢

桑耳

亂髮灰

艾葉 炒各一錢

蒲黃 五分

右水煎服

犀角地黄湯 方見後

又方用白茅根汁一合飲之即止

又方用生葱心塞鼻中血即止若刀斧所傷用之血亦止  
四物湯加側柏生地黄治虛熱吐血甚效若脾經血虛須用四

婦人良方

薛氏醫案卷之七

五

七百八十一



君加芎歸。若脾經氣鬱。須用歸脾湯。若肝腎虧損。須用六味丸。若氣血俱虛。須用十全大補湯。

附方

濟生犀角地黄湯。治熱鬱不解。泛行經絡。或流腸胃。隨氣湧泄。以致衄血。吐血。或為便血。並皆治之。

犀角鈎加無升麻代 生地黄 白芍藥 牡丹皮各一錢

右每服四五錢。水煎。若實熱熾甚。加炒黃芩。若去血過多。或脾肺之氣虧損。不能攝血歸源者。急用四君子湯。懷抱鬱結者。用歸脾湯。

枇杷葉散。治暑毒攻心。衄血。嘔血。或吐瀉作渴。

香薷 二錢 厚朴薑製一錢半 甘草 炙 麥門冬 去心 木瓜不見鐵器 白茅根各一錢 枇杷葉 陳皮

丁香 各半 石末 每服三五錢。水煎。黃連香薷飲。治伏暑衄血。便血。不拘四時。方見本卷第一論。

小柴胡湯

加味小柴胡湯 二方見二十四卷第二論

歸脾湯

加味逍遙散

八珍湯

加味歸脾湯 四方見二十四卷第四論

補中益氣湯 方見二十四卷第六論

○婦人吐血方論第六

婦人吐血者。由臟腑傷損所致。夫氣血外行於經絡。內榮於臟腑。若六淫七情。飲食起居。有所損傷。行失常道。逆則吐血也。

婦人良方 薛氏醫案卷之七 五 菴百八



愚按前症若脾經鬱熱用犀角地黄湯脾胃伏暑用黃連香  
薷飲心脾鬱熱用生地黄湯心氣耗損用茯苓補心湯肺氣  
勞傷用雞蘇散思慮傷脾用歸脾湯暴怒肝火用加味小柴  
胡湯久怒肝傷六味地黄丸脾肺虛熱用麥門冬飲肝腎虛  
熱用六味地黄丸氣血俱虛用十全大補湯經云肺朝百脈  
之氣肝統諸經之血必用甘溫之劑補其陽氣使血各歸其  
經如大吐血病毋論其脈急用獨參湯救之若潮熱咳嗽而  
脈數者元氣虛而假熱之脈也皆由脾胃先損須用人參之  
類本草云人參治脾胃不足補中溫中瀉脾肺中火東垣先  
生云脾胃虛者心火亢甚而乘土位肺氣受邪須用黃芪最  
多人參甘草次之脾胃一虛肺氣先絕故用黃芪以益皮毛  
而閉腠理實治氣血虛弱用十全大補最善若用寒涼止血

胃氣反傷無不致瀉

附治驗

一老婦每作先飲食不進或胸膈不利或中脘作痛或大便  
作瀉或小便不利余以為肝脾之症用逍遙散加山梔神  
遠志木香而愈後鬱結吐紫血每作先倦怠煩熱以前藥加  
炒黑黃連三分吳茱萸二分頓愈復因怒吐赤血甚多燥渴  
垂死此血脫也法當補氣乃用人參二兩苓木當歸各三錢  
陳反炮黑乾薑各二錢炙甘草木香各一錢一劑頓止又用  
加味歸脾湯調理而痊

一女子懷抱素鬱胸滿食少吐血面赤用六味丸及歸脾加  
山梔貝母芍藥而愈

一婦人為哭母吐血咳嗽發熱盜汗經水不行此悲傷肺思



傷脾朝服補中益氣加桔梗貝母知母夕用歸脾湯送大味丸而愈。

柔脾湯 治虛熱吐血衄血汗出。

甘草炒

白芍藥炒

黃芪各半

熟地黃自製一兩五錢

右每服五錢水酒煎。○一婦人月經不利忽妄行嘔血察其形脉如常用四生丸即安。一女子飽食負重而吐血用前湯及青餅子而愈。世治吐血並用竹茹地黃藕汁亦不可拘泥。如陽乘於陰血得熱則流散經水沸溢理宜涼解。大黃犀角之類如陰乘於陽所謂天寒地凍水凝成冰須當溫散。乾薑肉桂之類。

四生丸 治陽乘於陰以致吐血衄血。

生荷葉

生艾葉

生栢葉

生地黃各等分

右研丸雞子大每服一丸水煎服。陳日華云先公嘗遊靈石寺主僧留飯設卓一僧見卓不穩急俯穩之舉首即嘔血明年到寺問舊嘔血者何如主僧言服得四生丸遂愈。自得此方屢治有效。愚意前症乃內熱暴患用之有效。若人病久木元不足須補脾以滋化源否則虛火上炎金反受剋。獲生。

犀角地黃湯方見前

薑草湯 若陰乘於陽寒而嘔血。

甘草炒

乾薑各一錢

右水煎服理中湯亦妙。

花蓋石散 治瘀血積於內以致大小便不通或血畜於上而

吐不止。一婦人苦吐血百藥不效童便酒調不數服而愈。方見

胎衣不下

如聖散 治吐血不已每服二錢米飲下。

方見十七卷催生

婦人夏方

薛氏醫案卷之七

五七

藏頭三



附方

濟生雞蘇散 治勞傷肺經唾中有血咽喉不利。

雞蘇葉 黃芪炒 生地黃 阿膠炒

貝母 白茅根各一錢 桔梗炒 麥門冬去心

蒲黃炒 甘草炒 右薑水煎服

生地黃散 治鬱熱衄血咯血吐血陰虛而不能愈者

枸杞子 柴胡 黃連炒 地骨皮

天門冬 白芍藥炒 甘草炒 黃芩炒

黃芪炒 生地黃 熟地黃自製各五分

右水煎下血加地榆。

二因茯苓補心湯 治面色黃瘁五心煩熱咳嗽吐血

半夏 前胡 紫蘇 茯苓

人參 枳殼麵炒 桔梗炒 甘草炒

乾葛各五分 當歸一錢 川芎 陳皮

白芍藥各一錢 熟地黃自製一錢五分 右薑棗水煎服

麥門冬飲子 治氣虛吐血或氣虛不能攝血者

五味子粒十 麥門冬去心 黃芪炒各一錢 當歸身

人參 生地黃各半錢 右水煎服

十全大補湯 治胃氣虛弱吐血衄血使血不止以致外症惡

寒發熱自汗盜汗食少體倦或寒熱作渴頭疼眩暈而似中

風或氣血俱虛胸腹脇痛或骨節作痛經候不調或寒熱往

來發熱晡熱或五心發熱咽乾舌燥或痰嗽喘促胸膈虛痞

或嘔吐泄瀉手足冷熱等症。

歸脾湯

婦人良方

薛氏醫案卷之七

百六

歸脾湯



婦人良方

婦人良方

加味逍遙散

二方見二十四卷第四論

加味小柴胡湯

方見二十四卷第二論

六味丸

八味丸

二方見二十四卷第十一論

獨參湯

方見三卷第十一論

補中益氣湯

方見二十四卷第六論

黃連香薷飲

枇杷葉散

二方見本卷前

○婦人疝瘕諸氣方論第七。

婦人疝瘕。因元氣虛弱。而邪氣積聚。益疝者在腹內。近臍左右。有筋脈急痛。如臂如指如絃之狀。瘕者僻在兩肋之間。有時而痛。皆陰陽不和。經絡痞隔。飲食停滯。冷氣固結而成也。

愚按前症因飲食起居七情失宜。虧損臟腑。氣血乖違。陰絡受傷。循行失度。所致。羅謙甫先生曰。養正邪自除。必先調養。使榮衛充實。若不消散。方可議下。但除之不以漸。則必有顛覆之害。若不守禁忌。縱嗜慾。其有不喪身者鮮矣。

附治驗

一婦人內熱作渴。飲食少思。腹內初如雞卵。漸大四寸許。經水三月一至。肢體消瘦。齒頰似瘡。脈洪數而虛。左關尤甚。此肝髒鬱結之症。外貼阿魏膏。午前用補中益氣湯。午後用加味歸脾湯。兩月許。肝火少退。脾土少健。用前以補中益氣。下六味丸。午後以逍遙散。下歸脾丸。又月餘。日用薑薤丸。二服。空心以逍遙散。下日晡以歸脾湯。下。喜其謹疾。調理年餘。而一婦人腹內一塊。不時上攻。或作痛。有聲。或吞酸。痞悶。月經



婦人月事不調小便不利二年餘矣面色青黃余以為肝脾氣滯以六君加芎歸柴胡炒連木香吳茱萸各少許一劑却與歸脾湯下蘆薈丸三月餘肝脾和而諸症退又與調中益氣加茯苓丹皮中氣健而經自調

一婦人性多鬱善怒勤於女工小腹內結一塊或作痛或痞悶月經不調恪服伐肝之劑內熱寒熱胸膈不利飲食不甘形體日瘦牙齒蝕爛此脾土不能生肺金肺金不能生腎水腎水不能生肝木當滋化源用補中益氣六味地黄至仲春而愈松江太守何恭人性善怒腹結一塊年餘上脘蝕透血氣虛極時季冬肝脉洪數按之弦緊或用伐肝木清胃火之藥余曰真氣虛而邪氣實也恐伐肝木至春不能發生耳用八珍湯以生氣血用地黃丸以滋腎水肝脉頓退因大怒耳內出

血肝脉仍大煩熱作渴此無根之火也仍以前藥加肉桂一劑脉歛熱退復因大怒果卒於季冬辛巳日乃金尅木故也一婦人經候過期發熱倦怠或用四物黃連之類反兩月一度且少而成塊又用峻藥通之兩目如帛所蔽余曰脾為諸陰之首目為血脉之宗此脾傷五臟皆為失所不能歸於目也遂用補中益氣濟生歸脾二湯專主脾胃年餘而愈

麝香丸 治痲痺冷氣心腹作痛

麝香 二錢 研

五靈脂 炒

阿魏 五錢 麩裏煨令熱 桃仁

三稜 各二兩 醋製

芫花 醋炒

檳榔 各一兩

莪茂 醋製

桂心

沒藥

木香

當歸 各半兩

右為末飯丸桐子大每服十丸淡醋湯下

治痲痺神效以獾猪肝一具重十餘兩用芭豆仁五十枚入肝

婦人月事

薛氏醫案卷之七

辛

荒百六



內用醱醋三碗。慢火熬乾研爛。量入三稜末丸。桐子大。每服五九。食前熱酒下。

羅安人每經行臍腹痛甚。以桃仁桂枝湯一劑而瘥。方見第一卷十一論

治經來腹先痛。用局方七氣湯送來復丹。局方積氣丸。疝癖癥瘕。諸氣亦效。

附方

蘆薈丸 治疔癰。肌肉消瘦發熱。潮熱飲食少。思口乾作渴。或

肝滯食積。口鼻生瘡。牙齦蝕爛等症。

蘆薈

胡黃連

黃連炒焦

木香

白蕪荑炒

青皮各五錢

當歸

茯苓

陳皮各一兩

甘草炒七錢

為小米糊丸。桐子大。每服七八十九。米湯下。

阿魏膏 治一切瘡塊。更服胡連丸。

羌活

獨活

玄參

官桂

赤芍藥

川山甲

生地黄

兩頭尖

大黃

白芷

天麻各五錢

槐柳桃枝各三錢

紅花四錢

木鼈十枚

亂髮如雞子

右用香油二斤。四兩煎黑。去粗入髮。煎髮化。仍去粗。徐下黃丹。煎軟硬得中。入芒硝。阿魏蘇合油。乳香沒藥各五錢。麝香

三錢。調勻。即成膏矣。攤貼患處。內服丸藥。黃丹須用真正者。

効。凡貼膏藥。先用朴硝。隨患處鋪半指厚。以紙蓋。用熱熨斗

熨良久。如硝耗。再加熨之。二時許。方貼膏藥。若是肝積。加蘆

薈末同熨。

六君子湯

婦人良方

卷七 婦人良方

三

卷八



婦人良方 補中益氣湯 二方見二十四卷第六論

八珍湯

加味歸脾湯

歸脾湯

逍遙散 四方見二十四卷第四論

六味丸 方見二十四卷第十一論

調中益氣湯 方見四卷第五論

○婦人疝瘕方論第八

婦人疝瘕之病由飲食不調氣血勞傷或胎產經行風冷相搏所致蓋疝者痛也瘕者假也脉弦急者生虛弱者死尺脉濇浮牢為血實氣虛腹痛逆氣上行此為胞中有惡血久則結成瘕也愚按子和先生云遺溺閉癰陰痿疝瘕精滑白淫皆男子之

疝也若血個月事不行行後小腹有塊或時動移前陰突出後陰痔核皆女子之疝也但女子不謂之疝而謂之瘕

附治驗

一婦人小腹痞脹小便時下白帶小水淋瀝此肝經濕熱下

注用龍膽瀉肝湯而愈

一婦人小腹痛小水不利或胸乳作痛或脇肋作脹或氣

逆心吻余以為肝火而血傷脾用四物柴胡青皮玄胡索木

香而愈

一婦人小腹痞悶小便不利內熱體倦懶食用八珍湯加柴

胡山梔龍膽草治之而安

乾漆散 治疝瘕脇肋疼痛

乾漆

木香

芫花

赤芍藥

婦人良方

婦人良方

卷八

疝瘕



婦人良方 卷之七

桂心

當歸

川芎

琥珀各半

大黃二兩

牛膝一兩

桃仁去皮尖一兩另研

麝香一錢

右為末每服一錢溫酒調下

蟠葱散 治前症屬寒氣不散疼痛甚効方見廿四卷第八論

附方

寶鑑蒺藜湯 治陰疝小腹作痛小便不利手足逆冷或脇腹

悶痛

蒺藜去刺

附子炮

梔子去皮各半兩

右末每三錢水煎食前溫服

丹溪定痛散 治寒疝疼痛速効

枳殼十五

山梔子炒

吳茱萸炒過

荔枝核各等分

右末用長流水調下一二錢空心服

三因失笑散 治小腸疝氣痛或血疝肚腹作痛

龍膽瀉肝湯方見二十四卷第八論

四物湯方見二十四卷第六論

八珍湯方見二十四卷第四論

婦人八瘕方論第九

婦人臟腑調和經脈循環則月水以時故能生子而無病若乘外邪而合陰陽則小腹胸脇腰背相引而痛月事不調陰中腫脹小便淋瀝面色黃黑則瘕生矣八瘕者黃青燥血脂狐蛇鱘是也千金外臺言之詳矣

愚按經曰氣主噓之血主濡之若血不流用凝而為瘕也瘕者中雖硬而忽聚忽散多因六淫七情飲食起居動傷臟腑而成當與疝諸症不同慎不可復傷元氣

婦人良方 卷之七 薛氏醫按卷之七 三 瘕百八九



桃仁煎 治血瘕

桃仁

大黃

一兩

蜜蟲

半兩

朴硝

一兩

右為末以醇醋一鍾石器中煮三分下前三味不住手攪煎至可丸下朴硝丸桐子大不喫晚食五更初溫酒下五九日午下糞物如未見再服仍以調氣血藥補之○向在毗陵一婦人小便不通臍腹脹甚予診之曰此血瘕也用前藥一服腹痛下血塊血水即愈此藥猛烈大峻氣血虛者斟酌與之

硝石

三兩

大黃

四兩

人參

一錢

甘草

八分

右為末苦酒一升石器中先入大黃煎膏入餘藥丸梧子大每服三十九米飲下三日一服宜下去物

○婦人腹中瘀血方論第十

婦人腹中瘀血者由月經閉積或產後餘血未盡或風寒滯於久而不消則為積聚癥瘕矣

愚按前症若鬱結傷脾用加味歸脾湯若悲怒傷肝用加味逍遙散若產後惡露兩失笑散若肝脾虧損用六君柴胡以補元氣為主胃氣虛弱用益氣湯加茯苓半夏為主大凡腹中作痛畏手按者此內有瘀血若形體如常屬病氣元氣俱實用桃仁承氣湯直下之若痛而肢體倦怠飲食少思此脾胃受傷屬病氣有餘元氣不足用當歸散調和之若痛而喜手按腹形體倦怠飲食少思此形氣病氣俱不足用六君炮薑歸純補之若痛而大便不實飲食難化此脾腎虛寒用六君炮薑肉果溫補之若痛而作嘔少食此脾胃虛弱用六君炮薑藿香若痛而嘔吐不食泄瀉用六君加薑桂若兼手



足逆冷自汗。更加附子。此症多有因攻伐而致者。

附治驗

一婦人耳下腫赤寒熱口苦月經不調小腹內一塊此肝火氣滯而血凝也。用小柴胡加山梔川芎丹皮治之。諸症悉退。一婦人久患腹痛去瘀血方止而復大痛。諸藥不納。予以脾胃之氣虛寒用參朮炮薑丸如黍每用數粒津嚥下後以二味濃煎漸啣而愈。

桃仁丸 治瘀血不利小水不調發熱作渴心腹滿急或肚腹中作痛。

桃仁

大黃

炒各二兩

蜜

炒去足

水

至炒黑各四十枚

石為末煉蜜丸桐子大每服五六丸空心熱酒下。

附方

桃仁承氣湯

治瘀血小腹急痛大便不利或譫語口乾漱水不嚥遍身黃色小便自利或血結胸中手不敢近腹或寒熱昏迷其人如狂。

桃仁

半兩

大黃

炒一兩

甘草

二錢

肉桂

一錢

右薑水煎發日五更服

附方

加味歸脾湯

治瘀血已去或脾經失血小腹作痛無寐發熱盜汗或脾傷不能攝血或心脾傷痛嗜卧少食或憂思傷脾血虛發熱或肢體腫痛大便不調或經候不准晡熱內熱。

加味逍遙散

方見二十卷第五論

六君子湯

婦人良方

薛氏醫案卷之七

三



婦人食癥方論第七  
補中益氣湯 二方見二十四卷第六論  
當歸散 方見後卷第五論  
小柴胡湯 方見二十四卷第二論

○婦人癥痞方論第十一

婦人癥痞由飲食失節脾胃虧損邪正相搏積于腹中牢固不動故名曰癥得冷則作痛冷入子藏則不孕人胞絡則月水不通愚按前症若脾胃虛弱用六君子加芎歸若肝脾虛弱用補中益氣及歸脾湯若肝火鬱滯佐以蘆薈地黄二丸外貼阿魏膏患者須慎七情六淫飲食起居治者不時審察病機而藥之庶幾有效

附方

川山甲散 治癥痞瘀血心腹作痛

川山甲 煨炒

鼈甲 醋炙

赤芍藥

大黃 炒

乾漆 炒令

桂心 各一兩

川芎

芫花 醋炒

當歸尾 各半兩

麝香 一錢

石為末每服一錢酒調下

六君子湯

補中益氣湯 二方見二十四卷第六論

歸脾湯 方見二十四卷第四論

六味地黄丸 方見二十四卷第十二論

蘆薈丸

阿魏膏 二方見本卷第七論

○婦人食癥方論第十二

婦人食癥由臟腑虛弱經行不忌生冷飲食或勞傷元氣所致陳無擇云經不行者宜先導之然後固元氣為主

婦人食癥方論第七



愚按前症若形氣虛弱須先調補脾胃為主而佐以消導若形氣充實當先疏導為主而佐以補脾胃若氣壅血滯而不行者宜用烏藥散散而行之若脾氣鬱而血不行者宜用四君芎歸補而行之若脾氣鬱而血不行者宜用歸脾湯解而行之若肝脾血燥而不行者宜用加味道遙散清而行之大抵食積痞塊之症為有形蓋邪氣勝則實真氣奪則虛當養正闢邪而積自除矣雖然堅者削之客者除之胃氣未虛或可少用若病久虛乏者不宜輕用

烏藥散

方見後

○婦人積年血癥方論第十三

婦人積年血癥由寒濕失節脾胃虛弱月經不通相結盤牽久則腹脇苦痛宜用三稜煎主之

愚按前症多兼七情虧損五臟氣血乖違而致蓋氣主噓之血主濡之脾統血肝藏血故鬱結傷脾恚怒傷肝於多鬱之腹脇作痛正屬肝脾二經症也竊謂羅謙甫先生云養正稍自除東垣先生云人以胃氣為本治法宜固元氣為主而佐以攻伐之劑當以歲月求之若欲速效投以峻劑反致有誤右七症方藥當互相參用

附方

三稜煎 治血癥血瘕食積痰滯

莪朮

醋浸炒

三稜

各三 青皮 去白

半夏

麥芽

炒各一兩

右用好醋一鍾煎乾焙為末醋糊丸桐子大每服三四十九淡醋湯下痰積真湯下

婦人積年

薛氏醫安卷之七

七

疏百九



婦人血氣心痛方論第十四

婦人血氣心痛由臟腑虛弱風冷所乘蓋心為諸臟之主若心受傷名真心痛朝發夕死夕發旦死若心絡傷故痛發乍輕乍甚而成斯症也

前症若寒邪所傷溫散之飲食停滯消導之肝火妄動辛平之脾氣鬱結和解之仍與後六症方藥同用

附治驗

一婦人久患心痛飲食少思諸藥到口即吐予以為脾土虛弱用白朮一味同黃土炒去土每服一兩以米泔煎濃徐服少許數日後自能大飲用三斤餘而安

上舍陳履學長子室素怯弱產後患疥瘡年餘不愈因執喪旬月每欲眩仆一日感氣忽患心脾高腫作疼手不可按而

嘔吐不止六脉微細或見其形實誤認諸痛不可補氣乃用青皮木香五味吳茱萸等藥而愈繼復患瘡且墮胎又投理氣行血之藥病雖去元氣轉脫再投參芪補劑不應矣六脉如絲欲絕迎予至診之曰形雖實而脉虛極反用理氣之劑損其真氣故也連投參芪歸朮附子薑桂二劑間用八味丸五日寢食漸甘六脉全復此症若心脾疼痛時即服此藥瘡亦不作矣

附方

烏藥散 治血氣壅滯心腹作痛

烏藥

莪茂醋浸炒

桂心

當歸

桃仁

青皮

木香各等分

右為末每服一二錢熱酒調下



婦人良方 卷之七

靈苑方 用生五靈脂為末每服一錢沸湯下日三服  
八味丸 方見二十四卷第十一論

○婦人血氣心腹疼痛方論第十五

婦人血氣心腹疼痛由臟腑虛弱風邪乘之真邪相搏隨氣上下故心腹作痛也

愚按前症若氣滯血瘀用沒藥散勞傷元氣用益氣湯肝脾鬱結用四七湯怒動肝火用小柴胡湯肝脾血虛用四物湯脾肺氣虛用四君子湯中氣虛弱用補中益氣湯氣血俱虛用八珍湯

附治驗

一婦人每怒心腹作痛久而不愈此肝火傷脾氣也用妙山梔一兩生薑五片煎服而痛止更以二陳加山梔桔梗乃愈

一婦人懷抱鬱結不時心腹作痛諸藥不應用歸脾湯倍炒山梔而愈

陳湖陸小村母久患心腹疼痛每作必胸滿嘔吐手足俱冷面赤唇麻咽乾舌燥寒熱不時月餘竟夕不安其脈洪大衆以痰火治之屢止屢作迨乙巳春發頻而甚仍用前藥反劇此寒涼損真之故內真寒而外假熱也且脈息洪弦而有怪狀乃脾氣虧損肝木乘之而然當溫補胃氣遂用補中益氣湯加半夏茯苓吳茱萸木香一服熟寐徹曉洪脈頓斂怪脈頓除諸症釋然

附方

琥珀散 治氣滯心腹撮痛或月經不行小腹疼痛

烏藥 莪茂 當歸 一兩

婦人良方 卷之七 薛氏醫安卷之七 元 荒百九五



右為末每服二錢溫酒調下。

蠶痛散 治血氣刺痛

荔枝核

燒存性 半兩

香附子

一兩

右為末每服二錢鹽酒調下

薑蒲丸

治血積心脾作疼

男六德 續添

九節菖蒲

六兩

吳茱萸

炒

香附子

各四兩

右為末醋調神麴糊丸桐子大每服四五十九淡薑湯調下

沒藥散

治血氣不行心腹作痛或行注疼痛或月經不調發

熱瞞熱並宜用之。

紅花

沒藥

當歸

玄胡索

炒各等分

右為末每服二錢童便酒調下

木香枳木丸

破滯氣消飲食開胃進食消化痰涎

木香

枳實

白朮

右每服五錢薑棗水煎服

木香化滯湯

治脾胃虛弱飲食停滯腹脹作痛或心下痞

不思飲食若憂怒飲食而致者尤宜用之。

木香

紅花

橘皮

當歸

柴胡

草豆蔻

甘草

半夏

枳實

右每服三五錢薑水煎服

補中益氣湯

四君子湯

四物湯 三方見二十四卷第六論

四七湯 方見十一卷第七論

小柴胡湯 方見二十四卷第二論

八珍湯

婦人良方

薛氏醫安卷之七

三

卷之七



歸脾湯 二方見二十四卷第四論

二陳湯 方見二十四卷第五論

○婦人血氣小腹疼痛方論第十六

婦人小腹疼痛由胞絡受冷搏於血氣結於小腹因虛發動故痛也

愚按前症若氣寒血結用葳靈仙散氣滯血凝用當歸散肝經血虛用四物湯加參木柴胡肝經濕熱用龍膽瀉肝湯肝脾氣虛用六君子湯加柴胡芍藥肝脾虛寒用六君子湯加柴胡肉桂若兼嘔吐加木香四肢逆冷再加炮薑

附治驗

通府張孟威云其妹小腹痛服附子理中湯附子服過八十餘枚此乃沉寒痼冷之甚不多有者

附方

葳靈仙散 凡冷氣滯血小腹疼痛或經行遇怒腹痛

葳靈仙 一兩 當歸 沒藥 木香

桂心 各半 右為末每服一錢熱酒調

當歸散 凡血積小腹疼痛或因氣逆月經不行肚腹作痛

當歸 炒 赤芍藥 劉寄生 沒藥

枳殼 炒 玄胡索 炒各 右為末每服一錢熱酒調

四物湯

六君子湯 二方見二十四卷第六論

龍膽瀉肝湯 方見二十四卷第八論

附子理中湯 方見二十一卷第九論

婦人兩脇脹痛方論第十七

薛氏醫安卷之七



婦人兩脇脹痛。因臟腑虛弱。氣血不調。風冷客於胞絡。相搏壅塞。故也。

愚按東垣先生云。胸脇作痛。口苦舌乾。寒熱往來。發嘔發吐。四肢滿悶。淋瀝便難。腹中急痛。此肝木之妄行也。竊謂前症。若暴怒傷血。用小柴胡芎歸山梔。氣虛用四物參朮柴梔。若久怒傷氣。用六君芎歸山梔。若氣血俱虛。用六味地黃丸。若經行腹痛。寒熱嘔熱。或月經不調。發熱痰咳。少食嗜臥。體痛用八珍柴胡丹皮。若脇脹發熱。口渴唾痰。或小便淋瀝。頸項結核。或盜汗便血。諸血失音。用六味丸。若兩脇作脹。視物不明。或筋脈拘急。面色青。小腹痛。或小便不調。用補肝散。若槩用香燥之劑。反傷清和之氣。則血無所生。諸症作焉。丹溪先生云。右脇痛。用推氣散。小龍薈。尤當歸龍薈。尤控涎丹。抑青。

左十氣湯皆病氣元氣俱實之劑。用者審之。

附治驗

一婦人性急。吐血發熱。兩脇脹痛。日晡益甚。此怒氣傷肝。氣血俱虛也。朝用逍遙散。倍加炒黑山梔黃柏貝母。桔梗麥門冬。夕以歸脾湯送地黃丸而愈。

一孀婦內熱。嘔熱。肢體痠麻。不時嘔痰。或用清氣化痰藥。喉間不利。白帶腹脹。用行氣散血藥。胸膈不利。肢體時麻。此鬱怒傷肝脾。而藥益甚也。予則朝用歸脾湯。以解脾鬱。生脾氣。夕用加味道遙散。以清肝火。生肝血。百餘劑而愈。後因怒飲。食日少。肢體時麻。此乃肝火侮土。用補中益氣。加山梔茯苓。半夏而痊。又飲食失調。兼有怒氣。肢體麻甚。月經如注。脈浮洪而數。此脾受肝傷。不能統血。而致崩肝氣虧損。陰血而脈。



大繼用六君加芎歸炮薑而血崩止。又用補中益氣加炮薑  
茯苓半夏而元氣復。更用歸脾湯逍遙散調理而康。

附方

歲靈仙散 治冷氣血滯兩脇作痛方見前

人參紫荆皮散 治心腹刺痛胸膈飽滿不進飲食

柴荆皮 蒼朮 石菖蒲各一兩 香附子二兩

人參半兩 木香三錢

右為末。米糊丸。桐子大。每服三十九。食後薑湯下。

左金丸一名四金丸 治肝火胸脇脹痛或發寒熱或頭目作痛或大

便不實或小便淋秘或小腹疼痛及一切肝火之症。

黃連兩六 吳茱萸一兩湯煮片時用

右為末。粥丸。白米陳皮湯下。

當歸龍薈丸 治肝經實火胸脇脹痛或大便秘結小便

凡屬肝經實火皆宜用之。

當歸 龍膽草炒焦 梔子仁炒 黃連炒

黃芩炒各兩 大黃炒 蘆薈各五錢

木香二錢五分 麝香另研五分

右為末。用神麴糊丸。桐子大。每服二十九。薑湯下。

補肝散 治肝腎二經氣血虧損脇脹作痛或脇脹頭暈寒熱

發熱或遍身作痛經候不調

山茱萸肉 當歸 五味子炒杵 山藥

黃芪炒 川芎 木瓜各半兩 熟地黃自製

白朮炒各錢 獨活 酸棗仁炒各四兩

右為末。每服五錢。棗水煎服。



小柴胡湯 方見二十四卷第二論

四物湯

補中益氣湯

六君子湯 三方見二十六卷第六論

六味丸 方見二十四卷第十一論

八珍湯

逍遙散

歸脾湯

加味逍遙散 四方見二十四卷第四論

○婦人心腹脹滿方論第十八

婦人心腹脹滿由心脾虛損邪氣乘之此足少陰腎經之脈起於足小指貫腎絡膀胱入肝肺出絡於心若邪搏三經併結於

脾脾虛則心腹脹滿矣

愚按前症脾胃虛痞用六君子湯脾胃虛寒者用人參理中湯鬱結氣滯者用歸脾湯肝侮脾土用六君柴芍脾氣壅滯用平胃散肺氣壅滯用紫蘇飲宿食壅滯用養胃湯脾血虛痞用四物參朮右六症當互相參用仍

附治驗嘔吐心腹痛見

一婦人胸膈不利飲食少思腹脹吞酸或用疎利之藥反致中滿不食予以爲脾土虛而肝木勝用補中益氣湯加砂仁香附煨薑又以六君子加芍歸桔梗而愈

吳江史玄年母久病之後遇事拂意忽胸腹脹滿面目微腫兩腿重滯氣逆上升言語喘促所服皆清氣之劑不効予曰此脾肺虛寒也先用六君子湯一劑病勢頓減後用補中益



如人... 氣加茯苓半夏乾薑二劑形體頓安。後以七情失調夜間腹脹。乃以十全大補加木香治之而痊。

附方

白朮散 治脾胃氣滯心腹脹滿不欲飲食

白朮 炒

草果

呵子

茯苓

檳榔

桂心 各五分

陳皮

厚朴 薑製

八參 各一錢

甘草 炒三分

右薑棗水煎服。

思按前方治胸膈氣滯飲食內停之良劑。若脾血虛痞須用四物參朮脾氣虛痞須用四君芎歸。

補遺治心腹脹滿。予嘗獨用厚朴薑汁炒。每服五錢薑七片水煎溫服不拘時候間服沉香降氣湯得效。此病氣元氣壅實之治法也。

附方

平胃散 治脾氣壅滯胸腹不利或飲食不進停滯嘔吐

蒼朮

厚朴 薑製

陳皮 各一錢五分

甘草 炙五分

右薑棗水煎服。

人參養胃湯 治脾氣壅滯胸膈不利或飲食壅滯胸腹脹悶或兼外感風寒頭痛嘔吐等症。方見二十一卷第九論。

四物湯

六君子湯

補中益氣湯 三方見二十四卷第六論

人參理中湯 方見二十卷第八論

十全大補湯

歸脾湯 二方見二十四卷第四論



婦人良方

紫蘇飲 方見十一卷第八論

調中益氣湯 方見四卷第九論

[Faded text in columns, likely bleed-through from the reverse side]

[Faded text in columns, likely bleed-through from the reverse side]



